

世子易齋集
後

世子易齋集



學易齋集卷之十五

豫章萬廷言著

五言古詩

呈念菴先生

四首

三年志聞道卜室來溪林塵世日以遠願言理
吾心吾心日茫昧莽棘生幽陰端坐覺來復須
臾竟浮沈中宵不成寐反復思好音

溪林開艸堂主靜貽妙染日夕勤顧瞻躁心漸
消滅如何根氣微精神費收斂端居日始瞑昔
忽見曾點氣動百念隨翻然失虛湛願言握其

機江河沛長艦

我生無智慧性僻好奇思一落塵世中顧形良
獨悲世復岐路多行行覺支離八表有靈鶴翱
翔在天達如何奮長翮碧落隨所之

展卷窺千古澄心入太虛予懷渺無極日夕深
躊躇怯力悞爲農况乃遭新畬雨露雖有養惡
艸亦復除但恐迷真種將無稼得蔬念之行且
思何由慰吾初

秋夜 二首

露下木葉冷月出繁陰生後園有古樹風至肯
一鳴對此渺遐思古道愁獨行中宵撫遺卷古
人難合并起視在霄漢銀河向人傾取瓢試酌
之盈盈若水晶本自無形味况論濁與清久矣
迷真精坐令良夜更良夜不再得努力當自成
此道無往續不辨古與今此心一間隔今古生
寸陰日月無畱影倏焉如飛禽秋風振長林朝
暮落葉深葉落不上樹肯去難復尋所以古聖
人惜昔輕黃金詎爲重惜之恐隔羲皇心邈哉

希古思何當愜素襟

訪陳本潔過游湖寺遇雨

清秋念之子褰裳度西岑長蘿被深樹曲徑流
素陰涼飈下高葉林霏生爽襟古寺隔蒼翠渺
然不可尋松下忽聞磬更覺山意深思問陶居
士結廬應有吟

水塘菴呈徐克賢年兄

出署少人事聯騎生遠情窮巷僧寺佳聊得慰
魂營雨餘蕪芳潤月出池鑑瑩水能淨靈性石

可固幽貞夙生抱微尚結念在滄瀛道存瓦石
偶形解精氣并理鑒自各足景靜神悟生乾潛
戒勿用復絕商旅行妙善契知已終然謝冠纓

宿署

綠陰羅長衢微風動將夕宇氣涵清虛垂鞭忽
有適漸覺袍帶緩愈若人事隔地靜廢辟除吏
偶類木石行庭侶兩鶴無咎解形迹固知靜者
便習良得深益

別同志

三首

秋陽豈不烈江流豈不東誰爲暴與濯萬古希
高風扁舟如浮雲歛馬流長空良朋日云遠予
懷日忡忡真人渺無迹高步齊鴻濛我生蠓蟻
間蒼烟起崆峒元宰不可圖兩儀虛其中明哲
往不復異說生朦朧寄語賞心人岐路不可窮
卓哉希聖功皜皜無形容

坤幽秘元命乾陽啓朱明混沌列兩儀萬象由
以生惟人于其間一念涵真精正中開明堂羣
動受厥成誰爲探元化而無幽遠情卓哉無極

子王靜揚天聲

光風自天來灑我衣裳輕端居儼可親無極匪
世情混沌若有物炯然秋陽精言念意中人谷
響期同聲寂寂匡廬陰願結萬古盟

濠梁道中

二首

褰裳渡黃河惻惻傷我神浮雲斷明星雞鳴將
及晨虛白來東方迢遍光無垠長風吹寒波埜
色淡可親觀此水中魚感彼濠上人少壯不自
適况乃多苦辛四顧良歎息歎此多病身

學易齋 卷之十五
熙光凝柔柯香雲靄郊茵臨風浩長歎如何負
良晨偏側驅車行詩書聊可親古道貴淡泊句
句此義陳信手三五篇沈吟味其真精英沃心
曲和氣潛生春古人非苟作神到句自新乃知
讀書子讀書須讀神茲理聊足玩慰此行路人

李孟誠年兄北上枉別賦贈

柴扉閉溪谷歛來故人車入門長致辭謁 帝
承明廬邁往念茲獨含情良不舒寒風濺心曲
念我而踟躕多謝故人意命在理固殊隱顯各

有就丈夫豈虛拘願君秉明德高步在天衢

四十生日書懷 四首

灌園非世姿抱甕聊自寄翛然衆妙心存此拙
者伎乃知至人境衆巧不能至稟性寡偶諧世
路行且躓驚鴻怖遊絲中夜多憂悸及壯反故
園愧此不惑義往悔不可追芳華容已矣至道
晚可聞抱拙從此始

少年苦躁動頗愛靜存意中歲鮮持行喜怒猶
造次每見靜者容中心良獨愧歸來理西齋端

學易齋 卷之十五
居事冥視神慮忽淵澄恬然窺不二此理聊足
怡煩動生憔悴

有生紛喜怒性命漓真醇惟古有至人恬愉育
其神神靜氣自冲渾如日初春庶類漸以理萬
象歸至仁此意澈今古寧論生歿因吾願握其
樞常與此道親已矣貴此生頽陽念茲辰

回風吹積雪濺此寒窻永艸木垂靜默似悟無
生機寂寥涵道意一陽正熹微綱緼乍調暢如
我初生昔端坐且莫違茲當反神奇

感事

園中兩好橘昔倚鄰人扉移來當軒窻秋風兩
相依芳華結高實歲晚願不違豈謂玄風發宵
霖凝不飛柔柯壓層冰長夜頽芳姿物生必有
殺此理良不疑春秋謹木冰無乃傷其危衰榮
無復道靈根潛自持

晨出

世累紛以縈今我早不樂出門聊所之浮雲向
林薄晴色散九埜宇氣自昭灼流光入我懷忻

然在寥廓超超塵外心無物誰能縛

立春 三首

微陽一點回和氣盈郊墟網緼亦何象但覺意
盎如冬寒艸木死常恐不獲蘇豈謂須臾間脈
脈回芳腴乃知春意佳意到物自舒東風曙茅
廬相將理菑畝不貴黍稷多所貴耕耨劬爲言
歲計者此意良有餘

糞壤雜沮洳下流不可居方春事農作乃得稱
膏腴天澤易以渥嘉種亦與與峻原豈非潔艸

木氣不舒雖有曠達觀無乃生理踈所以古
人卑躬勿復疑仁理浩難測存此爲鎡基

寒梅映清溪孤潔無與比淡淡芳春姿不在桃
與李幽尋偶然到襟懷瑩於水春意豈在多自
得聊如此却笑天津人看花三月裏

齋中讀書

柔條生故柯長林染新綠際此春宇明掩映林
間屋幽人寂無營攜書窻下讀乍讀心氣平再
讀神明肅念彼千載人菁華動心目新知發故

知象此春林木雨露日夕佳攀翻聊自足

古墓藤

蒼藤自糾結蜿蜿如盤虬低垂相蔽虧密葉紛
悠悠微根何所託云是古樹頭古樹昔千仞蒼
翠蔭首丘藤蘿施以生延蔓不記秋附枝傷其
心本實漸以培風雷一失執翻令施者畱偶來
恣幽覽躑躅此道周惡木苦易長佳蔭苦難稠
憶彼種樹者剪剔迷前籌睠言牛山巔春萌翳
繁條千仞忽披裂况乃生理柔勵我斤斧資護

此靈根修夕涵雨露潤朝秀穹林幽傷彼藤下
人芳華水東流平旦不自息藤葉風颼颼

赤穀洲

三首

我無良田往耕河洲人勞莫讐慨然興
謠

磷磷左灣水歷歷赤穀洲自昔爲荒沙茲焉事
鋤耰蓬蒿間瓦礫咫尺無平疇偶豁尋丈間旋
此嘉種柔瘠沙易以涸况乃雲漢憂聊時一畦
豆未實藁已收藍葉苦不長隴麻猶未抽抱甕

學易齋
卷之十五
滋不給惡草還復稠經營良苦辛忽忽夏與秋
我脛已無毛僮僕將告休釋鋤仰歎息一飽非
人謀

晨起坐北窻聊讀古人書古有東坡老竄身南
海隅疾耕饑苦吟自比元亮居詞危意渝平婉
若清風噓一唱再三歎不覺淚泫如掩書且置
之往我洲中廬殷勤慰我人莫愛勛力劬已幸
在吾土敢論瘠與腴

釋鋤憇洲渚日暮聊徜徉漁翁何方來浩歌在
滄浪臨風默聽之乃是伐檀章苦懷託清響餘
音使我傷再拜謝漁翁吾道各有當食力悔可
道素餐摧中腸

喜雨

靈雨旣零良苗再新斲然作歌慰我農
人

日暮聊閉門清風滿我帷似是山雨來斲然起
視之同雲暗八表泫焉靈澤隨夕喜不成寐晨
興立前墀墀中艸與樹耀澤回芳姿僮僕走告

學易齋 卷之十五 九
予洲事良足怡瓜麻漸以長藍葉碧以滋豆苗
雖云橐脈脈生理施撫肩良慰辭努力乘天肯
茲焉獲有秋終當謝寒饑策杖聊獨往山光正
晴熙憮然念昨日神工異斯須因之窺元化冥
默不可思

秋懷 二首

山深艸木靜長夏固所宜况乃秋夕佳涼颺動
幽姿攬此一掬清惺然在房帷我懷逐明月清
光浩無涯渾如臥空中四壁惟天垂忽與天遊

合不記臥者誰乃知此中趣夢覺兩不移
平日有佳氣雨霽還幽熹入此清淨眼翛然澄
道思朱羅橫絕嶂白嶺凝清暉朝日襯微霞燦
焉金碧姿良苗覆長畦雨珠紛露垂珠光互映
射萬頃光琉璃輕颺自南來吹我神欲飛飛飛
不自還憇此扶桑枝清光滿四海形骸安足私
與思淳兄田中食瓜

田瘦瓜蔓微瓜瘦滋味薄感我非故侯東陵安
可託夕陽照西山遠帶羅與閣高颺一葉下暮

色空中落秋蒂聊可摘匏葉相酬酢玩彼原上禽飛鳴自相樂吾意固有餘此味未爲惡

夢入野寺友人先在因共筍飯寤作

秋氣徹晝夜清我魄與魂夢入淨境中儵然一榻存榻前何所有疊嶂如崑崙我來坐榻上暝雲散朝暾孤峰與我對聳然衆中尊俊爽入我懷有如吸長源迴廊忽中開晤我同心言餐我青筍飯相對無寒溫遽然各自寤此意誰能論

雜述 五首

此心自無閔浩如江水流胡爲自桎梏窘迫如拘囚外爲榮利率內爲名義修兩者雖異種終焉類稂莠微念一有着藕絲繫鹽舟有如籠中鳥飛鳴豈自由誰能兩置之冥鴻在神霄吁嗟十年事感感多愆尤

吾聞夫子聖發憤忘寢食所以憤者何懼爲憂所偏憂來生百端千仞墮矜棘憤然脫身登曠哉樂可極宇宙一俯仰浩若凌霄翼飄飄順風翔快意在瞬息方其沈所憂匪憤何由釋愧彼

學易齋 卷之十五
三隅反慨焉生憤激

高齋坐長夜編簡廢卷舒乍展復置之吾意不
在書心知一寸靈煜彼龍斗墟得意豈貴多一
言悟有餘文字浩千萬耳目迷厥初自顧病且
癯保我衣中珠

有客來中庭軒軒美且英長揖卽就座淵然見
溪情呼兒具盤餐聊飲醉復醒不復知有我况
乃世上名是昔水新漲扁舟繫前楹日暮登舟
去山水有餘清谿迴忽不見伊人水盈盈

吾觀傀儡者冠衣美清姿悲喜各有態觀者嗟
歎之豈惟嗟歎之因之喜且悲中情一有觸感
激垂涕洟觀者與傀儡真僞兩不知豈知傀儡
技由彼手中絲人生無根蒂喜怒與世移吁嗟
方寸機乃與偶人俱取彼手中絲英英聊自持

田家 三首

壯者苦勦力老者縈懷抱婦女盡行饑相看髮
枯燥不辭終歲勤所貴供輸早世事苦難料私
心良艸艸代食已云艱稼穡誰爲寶日暮飼黃

犢悲鳴意相保洗脚坐前軒默默看晴昊

汗田強早種水欲敗吾苗倉皇問波神吾苗得
秀否微堤障長河春漲洶且高咫尺不能救况
乃風雨豪攜簑臥其下此水何昔消再拜謝波
神長歌在耘蔗自不致膏腴辛苦何足誚

高竹覆茅簷下映寒塘曲風從竹間來微波疊
青玉雨霽農事休有書閒可讀山溪行人稀父
老理黃犢繫犢入我門忻然有忠告會意言豈
多所貴在茲獨古道尙淡泊君子寡營欲無妄

不蓄畬此理觀要熟再拜謝苦言終當慰良勗

近溪丈以菊扇貽詩見招過夏奉答

客至問顏色聞君已白頭猶將傲霜意寄我王
壺秋

萬木正垂綠菊華何自來感君花外意日日向
人開

微月映高堦新橘生幽馥一般風味溪菊昔應
自熟

西風禾黍香麻姑酒如瀉待持紫菊來醉看麻

姑下

感事

昔有吳季子挂劍徐君墳徐君既已沒結交應
不聞君初愛劍昔含情未欲言我行不可畱我
心已許焉豈謂道里遠一別在九原愛劍人云
亡許劍心尚存我心自難負生歿奚所論悠悠
千載下三復傷我神負生已云忍負歿良未仁

古意

山樞與隰杻鐘鼓惜未考尚怪詩人心忘物苦

不早少壯固非有況乃此身老衆人笑鳩拙而
我羨其巧一巢不自計何復論饑飽凡知楚自
昏誰當貴存存

奉侍老父西原叔月夜自楓樹潭放舟登

石岡有序

萬曆乙亥仲夏溪水暴漲熏風微涼予
小子奉侍老父西原叔放舟溪潭直抵
石岡吳閹卿實卿偕來攜酌登山明月
如畫羅閣西山之勝隱隱在几席浩歌

高臺不知前此誰更有此樂恭賦呈覽
以開後來

子瞻在黃樓邀月酌雲鶴自謂太白後人間無
此樂我家溪水邊石岡遠爲郭旣夕初命舟滄
漲虬龍躍青松冠岡頂凌厲出清酌松風登石
臺皓魄盈廖廓永夜集良朋撫檻肆凌躒玄翠
飛遙空隱隱見羅閣劔水瀉芳尊清影照靈鏐
西望蕭僊峰悵然懷寂寞清謳引鸞鳳裊裊空
中落揮手萬壽僊丹烟起林幕茲山幾何年佳

遊竟蕭索英豪邁前修山川欣所託霖雨歸東
山晴霞絢棣萼我本姑射人肌膚慚倬約幽境
符心靈扶桑曙雲壑回首李與蘇俯仰互酬酢
倚棹歌慨慷大雅冀有作

泛湖

滄波渺無際含暉動沈黑伊人水中央可望不
可卽縈湍困游鱗驚枝竦棲翼感此不能平夷
猶良太息佳人弄扁舟顧我意愴惻解我涉江
心采芳芙蓉側芙蓉花未開婉婉空中色爲言

且置之縱采何由得一水遠莫將況乃萬里隔
試誦明月詩清光照几席

原叔和老父石岡之作枉教敬和呈覽

乘鸞象子晉牧牛類懶安微生永孤抱已覺此
身拚結屋倚高樹寄懷臨江千山水自高迴豈
礙嚴陵難道遠意難愜景靜情暫懽攀躋西山
巔石上跏趺盤斂襟坐長謔頓覺天宇寬是昔
農雨足平川迴急湍虛白啓初暝玉鏡懸層巒
契此空明姿臭味凝芝蘭萬籟清音傳何必琴

自彈苔深石色古劇暑間微寒天風吹我衣送
入紫雲端忽有萬里人芳訊來青鸞遺我瓊液
漿期我天路漫夙尚在隆古幽憂多苦難夢寐
蓬萊仙何由同羽翰請看地上艸勿復白露溥
是身如電泡迅漂何足觀零落衣中珠清光幾
肯團吾營紫金砂火記讀未闌賴此弦氣新威
光鼎中看

偶得 十四首

人心若焦火日夕燔其軀喜怒遽以紛羣動迷

天樞坐令五內裂況乃澤海隅悲來看素髮淚
如九河決精誠感至人授我飲泉訣一飲齒頰
寒再飲心爽澈飲之渝歲年肌膚瑩冰雪客從
遠方來遺我一書札上陳堯舜理下究孔孟說
栖栖誨人心弘大真可悅惜哉迷本真欲吐語
還室展轉在胃臆吾當抱吾拙

皇天久不雨橐此池上林父老苦渴饑鳥獸羣
惡音涼風起西北浮雲結重陰玄色徧平野沛
然澤甘霖風吹浮雲散遠岫露嶠嶽正此清淨

境微月生東岑柴門向東開池閣靜且深中有
無事人聊復得此心顧語二三子慎勿暄素襟
人性本至善譬如水之清汎焉江海流清乃濁
所并自非藉澄澈何由復元精誰哉徇迷慮任
濁爲流行但求波澤遠不究源所生滾滾功利
謀猶竊丘軻名不悟牛山篇淵然有深情世無
陋巷子感歎詎能平

顏陽燦明霞皓魄出前嶺曰予坐終夜耿耿窺
奎井天道信浩廣元精掠難併伊人三五徒窮

阨匪台鼎論道含幽情雲霄感光景歎息千載
下何由覩靈影天精妙衷疑嘉曜存念省弘道
古有訓予敢忘要領

吾愛謫仙人英姿邁今古早授紫丹訣未辭採
藥苦振衣蓬萊山軒組視如土鸞鶴不足馭夜
郎夢來去世俗繆遷流仙人自遊戲千載大雅
作清芬耀蘭翠感懷歎微絆浮雲忽中斷獨抱
秋陽精皦皦在江漢吾衰竟何陳傾耳關雎亂
子輿命世姿微論自孔氏上陳堯舜理下著湯

武說宛轉齊梁君肫肫見經濟浚衷竟何施愴
然出宿涕恐懼楊墨言苦語距淫蔽千載讀其
書猶足增浩氣我欲盪其波溟渤浩無旣徘徊
觀厥瀾清源儼攸契知性譬巧中集義謝作愧
三復成覲辭覲然起浚喟

熏膏病香明龔生天天年生年七十九老父言
何偏漢代尚黃老斯人乃無然遮道縞素說隳
履黃石傳希言感相國豈獨商山賢垂簾隱卜
肆冥默動九天微流揚遠波晦魄生蟬蛸棲棲

楊子雲寂寞艸太玄

欽惟玄天精陟降在眇躬紛紛乘衆動淵然位
正中摘爻象二五用動吉其逢偏乘尤悔多君
子慎所從用九貴無首克已銷壯雄尼父旣以
邈誰哉啓羣蒙憶昔師石蓮湛冥探天衷殖落
歲云暮感歎泣鴻濛艱貞懼終始憂患期民同
山樹連層枝夕陽照山陂映作翠錦屏我行忽
見之涼風吹我衣翩翩起遐思彼美西方人千
載有心期我欲從之遊道遠誰爲資溫溫美無

度遺姿在書詩歸矣聊樂且憇此山中廬

昔有懶融子十年坐觀心一朝悟觀者翩然開
素襟卓哉堯舜傳執中微且深靈淵匪慮澈內
省夙所欽世儒論名理紛紛枝葉沈自不究本
真而譏佛道淫吾欲終此曲恐懼世論侵以俟
楊子雲千載爲知音

妙覺太陽精羣彙歸曜曷克開衆竅先允懿斯
民秉光明亘八極天地鏡中影浮雲或蔽虧恐
懼慎除屏西方繆苦空仙術迷內景河洛象中

虛無極圖要領要之總未似不若心自惺微軀
類秋蟲抱此孤吟耿悟彼孩提知憤焉得溪省
少年不自惜用罔耗其精亦逐世上塵誤取冠
裳名中年忽多病意廣力不臻天命宜爾屯空
使慮營營因之習睡法稍契五龍情混沌交相
接七竅如未生適來步前楹聊掇古人英讀書
不在多取次三五行持此謝諸友永言保幽貞
力足誠乃見陽曜無虧盈

有物絕思勉出入寰中區明珠在懷袖自現漢
與胡淵淪復天飛英英動斯須不知幾萬劫歷
照無瑕瑜昔人悞羈馬鳥道紛馳驅我欲翔天
衢祥飈駕輕輿春風鳴和鸞周遊盡八都朋來
慶無疾至寶完厥初

丈夫各有志事業無窮年惜哉昌黎心竟以文
字捐天明照眉宇萬象空中縣微躬契三省明
德靡後先形聲隔冥漠精英儼所傳回首人世
間千載已紛然紛然何足卹道在心自乾孜孜
誨人意奚啻拯顛連親民匪崇譽要使明德全

學易齋 卷之十五
經綸在天地豈必親汗編君看好辨心今古誰能賢

古意 二首

戀勢慕長壽憤貧思早逝慕壽旣以愚憤逝豈
云慧富貴與賤貧皆緣身所計須臾靜照之幻
影及電翳所以古至人等之浮雲細脩脩此身
外攷解別有契有如淵中龍日與明珠儷
多言人所厭不言人所疑世慮苦難測不如任
所之君平晝垂簾沈冥動天倪子雲艸大玄寂

寂抱長思羣兒口語惡劇新贅瑕疵終然千載
下宛爲良玉姿彼哉夸毗子紛紛安足師

題四皓奕棋圖

人生樂在世胡不爲功名高車何必危冠蓋亦
以榮秦今化爲漢窮老非人情吾儕皆小人觴
海欲以觥萬古一旦暮何者爲吾生本懷出世
姿風塵豈所櫻皓首求丹砂吾事恐未成蟻螻
與腐鼠胡然挂玄膺聊示遨遊耳詎爲羽翼行
至人斥土苴比之金玉英漢鼎自須定吾心本

無營向從圯上來有書豈云兵嗟嗟子房子料
理苦用卿安知四老人不作辟穀盟妙在不言
間坐令高祖傾卑卑太史遷游談紀煩聲致使
千載下此着無由明虛從圖畫裏袖手彈空枰

玉臺眺蛟樓

天風吹高臺寒雪似飛玉我從海上來聊寄臺
中宿曉登臺上樓清平事遐矚老蛟化微塵見
此鸞凰簇稽首妙濟君神功亮難續白日照孤
嶺丹砂散林麓爲語臺下人吾劍不可辱護此

千樹桃母令牛羊觸

潭峰栽松寄吳胡兩山人

平岡逾卅畝種此十萬松豈無几艸木歲寒誰
與同我窮鮮嗜好霜霰嘗被躬頗勵後凋志益
歎此物雄青姿在把握束縛來途窮解之滌其
根栽列煩諸工亭亭一入土意態凌蒼穹豫章
大十圍避此一寸鋒佇待毛骨長結廬臥三冬
約我巢居子享此清淨供吾嗟病骨立苓絲亮
難逢烹脂沃靈髓綠髮變衰容

和張明成太史山居吟 八首

吾生善根眇有如刺水秧春來風雨多汗泥卷
微芳瞻彼原上松抽姿一何長何當夏日永風
吹秔稻香

足音自有無吾意何蹇蹇蓬門啓溪樹巧當千
仞峰流翠入几席自與峰相從日暮青芙蓉芳
心一何穠

喬木如青山環圍敞中虛上有幽棲禽下有戲
水魚其中亦何有頽然坐忘予禽魚日爾應因

之廢詩書

金陵鬱佳氣東風盪春晴君子瓊樹枝皎皎風
中行桃李羅門墻犇走四海英鳴鐸亦何遠悠
然和且清

微感忽不適飄然故山來嗟予邂逅踈一見懷
抱開是昔六月朔暑氣蒸莓苔中庭日色改相

顧爲停杯

予訪君之日
午刻日食

城西出遠山紫翠含晚晴城東俯青郊禾黍一
色平伊人閉柴門有聞寂無聲坐我叢桂下脩

學易齋
卷之五
然如太清

叔季多橫議糠粃日相舂豈無招我徒枵腹難
相從吾將狗所好服此千年松那令意也消所
貴正吾容

幽尋亦何遠萬壽期松關丹霞日夕飛餐之駐
芳顏英英赤松子經綸豈如閒一自見黃石從

容帷幄間

君有萬壽閑
關之約云

和鄧汝德太史山居

五首

本無桔槔知自合歸灌園隱几喪綦偶循墻窺

孔門與天一合色愛此清溪源緣源結茅廬意
到何須論

吾道自平常翩翩繆探竒大易鉤深遠所貴在
義肯叔季岐路多徘徊歎遲遲一言已云足豈
必重且卮

溪山最深處况復山路窮人愁豺鼯穴吾獨便
其中一息自溪溪世論何必同所調在無絃誰
分拙與工

茅堂坐溪夜踈鐘遙所聞寂寂千載心羣動如

浮雲懷人莫致之試對典與墳膠漆忽以投今
古良不分

伊人蘭蕙姿芬芳良可親一別三載餘寸懷良
未伸念彼金石誼驚此秋葉身鴻鴈書不來相
思何頻頻

大易吟寄許孟中鄧汝極

心靈妙無際思議未可幾念重忽以累芥馬室
靈機洗心淨念垢明珠朗天扉端凝洞寰宇磊
磊無因依

火馬心之用水者心所基惟火易以揚得水乃
相隨水火非二物月浸珊瑚枝所以古聖人洗
心良不疑

詩書言語多所宗良不煩大易揭其樞所貴在
返源後儒頗謬誤枝葉恣攀翻分流各自競悲
哉多戶門

吾究大易精閉戶亦有年因冥離坎中遂悟天
地先夙生有餘垢就此良未圓作詩寄我友靜
洗千古賢

學易齋
偶拈 四首

造化存乎息更有能息者能息者既明豈論空中假有如明月珠洞澈難可把浩浩宇宙間出入自瀟灑

心息非彼此調之洗心累夙生有餘垢煩此天河水洗之復洗之洞然無表裏是之謂黃宮靈根從此美

有物寰中區歷劫不可思懷哉亦何奇吾得而寶之借問何所似秋月臨天池蟠桃自千歲高

實豈云遲

紛紛談仁義枝葉漫相糾意氣苦馳驚如蛇兩頭走吾欲起痲痲膏盲諒難灸安得悟雨露平且息中有

古意

高屋列華棟當暑來清風咏歌伐檀章使我心冲融子不解田獵又不解稼穡終日饗且餐安在爲食力相憐笑夔蛇九萬嗟天鷗君子各有心難與衆人論

我病不讀書我坐不飲酒懷哉天地間有物常在
在手九陌紅塵多風吹白日走蟾窟九萬里桂
陰海宇小我欲探其根猶恐蔽天巧天步顧不
遐俯仰方寸眇蟠桃不吾欺坐待千歲杪
天風吹海濤搖曳珊瑚枝仙人海上來折贈翠
微詞清輝一顧盼萬頃生琉璃明月挂天壁沈
精在漣漪月水互吞吐迥然金碧姿爲問何所
似心珠朗天倪

學易齋集卷之十五

學易齋集卷之十六

豫章萬廷言著

五言律詩

宿紫金庵

已是羣山上樓臺更倚空海濤翻翠壁古樹疊
蒼隴象外懸孤碧巖端若有逢涵情不能寐惆
悵紫雲重

送周幕僚歸金華

長天悲逝水人事幾回旋莫以黃金注而生華
髮顛臨汀春草細暮雨野花妍寂寞五湖宅應

學身齋
卷之十六
七
憐范蠡船

事有至微處人生不偶然英雄難取必小大合
隨緣心向閑中樂言從象外詮感君傾蓋意惆
悵別離筵

雜詩

隔林鶯語徧吾意亦云云但恐言詞好翻令精
氣分香從花外轉聲向鳥前聞默倚欄杆上含
情入曉雲

送嚴少叅之河南

蘭省才名久薇垣事業新青春垂紫綬結駟向
河津棠蔭深經雨霜蹄儼絕塵龍門應似舊爲
問註書人

楊木港放舟

十里千回轉羣山繞一溪每當溪轉處偏與樹
陰齊曲曲生春水山山有鳥啼輕橈隨我便日
暮宿芳堤

羅近溪丈約會南浦阻風唐山寺先此見

懷

恨不卽相見何緣野寺眠風濤寒欲暝江漲濶
生烟南浦停雲倚西山暮雨連伊人秣一水莫
畏夜行船

山堂始成徐克賢副憲枉坐終日

地僻人居少村溪馬跡稀忽看黃蓋動驚引豎
兒歸客至初移席堂成未着扉翛然終日坐新
月別龍磯

送客後登磯頭山

返棹登名勝攀蘿已夕陰勢廻山力壯流轉水

情溪嶂嶼圍天聚江沙遶帶侵因之悟生理兼
良得吾心

登磯頭山後月夜放舟下漳湖渡

崖攀暝草亂棹發晚風徐山色渾濃淡波光半
有無斗移江轉數魚動月沉初不覺夜亭午涼
侵葛帶疎

徐克賢年兄枉顧山堂有贈次韻奉酬

曉日羅原上星輶照短扉野花迎節麗枝鵲引
旌飛拙抱親知少村孤客到稀高情動兒女笑

學易齋
卷之十六
挽使君衣

元旦

日月原無意三朝世所稱普天知歲首率土重
嘉名萬劫何從始斯人可自輕吾將究其朔聊
與衆生明歲朝月朝日朝

遣悶

滿村風并雨半月水封門病體葑衣重長天午
睡昏人愁田欲變居怯浪將吞空有瀟湘對那
堪野哭繁

獸駭鼓方急絲懸石更垂平生聊足食此日重
憂時昏晚雨尤注惡聲鴉亂啼庭前茱萸好馥
郁汝何爲

贈鄧汝極年兄

自昔鹿鳴會知君出世姿風塵三十載契濶故
人思今夕文章在千秋龍馬遺鬼神何用泣天
地有襟期

病來書盡廢殘几獨帚編心以下方小神從藏
後圓人多尚衣錦誰愛守重玄三疊調知已相

期在素絃

寄謝虬峯少廷尉

鉛汞餘空論丹砂起世魔氣從言語耗道向寂
寥多玉樹風中矯香城陰若何莫將秋鏡髮華
影亂瓊柯

寄方比部

極日兼葭際懷君宛在亭曾浮春水淥共折柳
條青短筏須叩友高簾捲月星伊人忽復遠回
首玉沙屏

亭在水中爲筏
以濟題曰叩須

端午書懷

華嶽三秋意匡廬五夜心却憐環轍夢徒有鬢
毛侵村鼓聞中急蒲樽醒處斟衆前聊咲語聞
爾獨沉吟

精白懸千古真誠涅不淄不緣讒者巧誰啓後
人思吊古舟翻樂懷沙怨豈知槁花應爾咲獨
醒更何爲

油蝸緣石壁細雨綴蛛絲翫物增閑趣端居信
節移榴隨人共醉艾與病相宜已分漁樵老空

懷賜扇時

別友

言希翻道顯事迫轉身閑解節如無刃拈花已
破顏濤生千里淥霞染萬峰丹好似征鴻遠能
無一字還

寄徐克賢

手種庭前橘經看霜後春未堪供獻摘總是媿
酸辛玉節清南嶼茅簷臥水濱想憐吾臭味索
咲幾經巡

次答王以忠

手種青松舊陰廻曲徑深不逢逃世客誰解獨
居心月下南洲榻風柔粟里琴本忘吾臥昔因
爾却憐今來章云羅原當日
關一臥至於今
延緣溪上路不覺到來溪自有清神觀因知出
世心柴門希過客竹几靜鳴琴千里來歌笑蓬
壺掃自今

道契言何用情高簡更深不孤青眼意惟有白
頭心日月雙飛鏡虧成一鼓琴萬年無近遠盡

却在如今

學易齋集卷之十六

學易齋集卷之十七

豫章萬廷言著

七言律詩

吾廬

高槐影裏閉吾廬足疊新蒲廢卷書
溟漠不知天盡處浮沉微覺息來初
庭從雨過光還淨鳥識人閑到亦踈
幽意未堪隨日暮更看明月滿
窻虛

出署

綠槐深署吏人稀爲喜身閑出每遲
天際羣山

通碧落雨餘孤月到蓮池心從無物觀全妙道
本流形靜後知吟弄不妨歸騎晚傍人風細柳
低垂

贈王山人

長生有夢遶羲軒玉簡年深鎖蠹痕却憶金丹
四百字何如道德五千言坐來轉覺心難下靜
後微看息有原美爾繁華應謝盡不借一衆到
吾門

枕江樓

高閣秋深灑氣存凭闌相對已黃昏江風吹浪
雲歸石海月隨潮夜到門樹影空明猶入色鐘
清兩岸不聞喧登臨自覺心如洗况復涼生玉
露繁

謁荆川先生墓

早向門墻託此身忽看高塚倍酸辛心驚衰草
猶疑夢淚滴生芻不解陳屋有題痕悲手澤天
懸秋日見精神溪山莫訝空啼鳥舊路吾儕跡
已塵

雲龍山

百年長訝世途難。轉是英雄未肯閑。舊迹自將流水遠。歸雲不帶壯心還。孤瑩落落餘芳草。三楚依依見暮山。聞道松林饒鶴髮。待尋幽谷問商顏。

吳惟興南歸

長安一夜離歌發。烟樹微茫瀛海秋。萬里寒濤憐舊路。半生短髮入新愁。池邊芳草春長在天際。輕雲暮未收。便欲同君臥丹壑。豈堪塵世老悠悠。

悠悠

房山道中作

獨立清臺聞暮鐘。杳然天地一無窮。自知身在無窮裏。莫把心歸有象中。柳轉陽和風力潤。雲飛島嶼海門通。年來別是寬平處。總與人間路不同。

送弟以和上京

春色霏微上小車。江邊分袂轉躊躇。團蒲自媿調心苦。行李還憐涉世疎。情在天親難着語。路

逢鄉使早遺書莫嫌辛苦懷家室短髮相將獨
監予

別吳悟齋掌科

白頭嘗見不相憐何事逢君便有緣總爲此心
通世外遂令神晤未逢前孤臣海上艱難際百
劫寰中煅煉年此日歸來無欠剩獨將丹悃到
天邊

朝斗巖

山色孤城盡日看登臨尤覺意盤桓虛巖路入

諸天近永夜光搖北斗寒歲暮繁霜驚櫛葉僧
閑飛鳥傍香壇人間自有無生境翻笑何緣脫
屣難

谿遶城南谿北山羣山流翠落谿灣只今禮斗
巖扉迴尤在羣山杳靄間斗下尙看迴紫炁巖
頭應未老朱顏寒雲且莫封苔石我欲乘風問
大還

飲惠山寺

家君舊
令無錫

草樹霏微路半遮峰巒杳靄日初斜甘棠南國

學易齋
卷之十七
四
猶憐舊河縣經秋尚有花獨壑泉鳴開古刹晚
風禾隴傍千家道上相逢多問訊我侯憂國鬢
應華

潯陽渡江

秋老寒江鎮不流靜臨孤檻思難酬潮痕世事
相高下地迴天空信馬牛船憶昔人堪自度菊
憐今日未盈頭楚雲飛斷楚山好消盡人間無
限愁

楚天渺渺楚江悠萬里風烟一望收去去不知

江盡處年年惟見水東流晴帆亂落三湘雨紫
炁寒凝五老秋白鶴黃花休問訊數家茅屋點
滄洲

鐵佛村

馬渡睢陽淮水西長風踈雨濕輕蹄佛身已化
鐵猶在懷人不見鳥空啼畫角霜天孤戍遠荒
村茅屋野雲低可憐雀鼠餘生久誰憶當年舊
鼓鼙

姜里臺

有過曾須頻自訟訟深常恐過還來百年獨負
韋編志此日羞登演易臺履冰轉覺霜堪畏繫
樹猶愁井易頽想像徽柔蒙難處辭危心小卦
中裁

真定大佛閣上兵憲王鳳洲先生詩贈和

呈

此心誰得到虛明心到能虛春自生可信靈根
通宇宙豈從枝葉問枯榮日斜寶閣橫寒照月
滿霜臺瑩晚清獨把瑤華看不厭欲連滄海盡

圓澄

公詩有滄海那如性海澄
及未知生意今存否之句

轉須無物悟先天雲雨多端總未然此日監司
容論易何年廬阜更栽蓮春回尊酒恒陽外象
澈孤明紫塞前莫訝寒山鐘韻冷夜深曾到幾
人船

公詩有依舊寒山夜半鐘
及欲知為雨為雲際之句

古戍恒陽開畫閣諸峰回首碧雲層凌虛漸覺
身無礙幻海渾如岸可登鐘靜上方孤月轉霜
銷千界紫烟凝當前且會窺臨意莫問人間第
幾乘

公詩有依舊人
間屬小乘之句

客中九日

海門風起暝雲飛
白鴈啼烏共落暉
衰艸半畦農事薄
黃花滿徑酒家稀
逢時短髮羞懸鏡
入座青山憶故扉
一握茱萸不成玩
紫烟寒月上征衣

已未畫像

青袍方帽瘦精神
水墨誰描麋鹿真
畫裏尙畱前日記
鏡中不覺十年身
風塵短髮今將改
天地孤懷晚更頻
笑我似渠渠似我
羨渠還是少

時人

泛舟

家世相傳住一溪
平疇百畝護長堤
禾麻瘠地開恒產
門額前 朝着舊題
四十年將身已退
五千言解德爲谿
泛舟翻笑舟如我
橫繫溪頭看月西

桑林別許孟中年兄兵憲之廣東

憶昔何年出禁林
相逢回首欲沾襟
天邊白日千年照
江上孤臣一寸心
轉覺海門人去遠
不

堪風雨夜來深恩波萬里尋常濶春日還迎章
水潯

讀孟中寄除夕詩次韻

別後俄驚歲已除懷君不見意何如遠書讀罷
寒雲起獨坐燈殘夜色虛朝日當為新歲計春
風想曳故人裾長松老屋如重問薄畝深耕聊
慰初

送李孟誠年兄兵憲廣東兼柬孟中

星軺持憲獨南征六月霜威瘴海清烏府共迎

新豸使元樞曾此舊題名承家地峻才名重學
道年多意氣平想得官齋閑對處羅浮千丈月

初晴

令先大司馬曾
任廣東臬長

榜下許郎舊三益如今亦作粵臺臣想君論到
同心處回首應憐少一人薄望渚田秋自種孤
清竹樹晚為鄰艱難沈抱羞知已三疊江風起
素蘋

寄王子植大叅

幾年禁寺憶同曹風雨層槐捲翠濤窻色近分

天闕迴鐘聲密度曉雲豪吏隨鶴到苔痕少馬
共人閑月影高同製新蒲携出入焚香終日解
宮袍

讀易

浪迹渾如看泡影生涯真似挽弓強漸磨閑慮
因多病稍中前期爲不忙柳帶湖烟侵小徑樓
含樹影入朝陽春懷不借春光有却爲春風吹
更長

蟬

世音稍覺耳邊圓萬籟聊堪娛歲年五月江鄉
猶苦雨一溪涼色未聞蟬蝶翻午夢窻初靜渚
入斜陽艸正妍安得數聲溪樹裏洗心踈閣泛
危絃

圓常寺曉發

碧樹油然帶遠流滿空晴色暎虛舟團蒲偶共
山僧坐絕島聊憑淨眼收涉世事多常耿耿脩
心人幾到休休此生已悟閑爲貴不待逢僧始
歎浮

學易齋 卷之十一
登龍頭磯江天閣

僊嶺岩堯聳石鑿汀沙帶遶護岑樓長波斜日
涵龍氣紫焰終宵薄斗牛翠擁粵巒巒雲障合烟
浮楚樹海天秋晚風忽下霜前葉寒色驚人起
暮愁

遊玉臺便過友人宅

解脫香焚象帝前白雲丹壑意翛然烟踈野岸
寒無色凍立風濤雪滿川更引藍輿廻曲巷待
招僊侶步青蓮過從翻愛家貧好共煮松脂度

歲年

溪南別業論易

幽禽轉處綠初濃聊借高齋聽曉風半似有無
清調遠忽如歌笑萬山同曲隨花舞開新吹響
斷烟銷墜晚紅問訊研硃點周易此聲収在幾
爻中

柴何二方伯盧大叅雨中招飲滕閣

好客高情早散衙江樓細雨落簷花千峰夜空
傳清嘯萬井雲沈息亂華物外江山生麈尾醉

學易齋 卷之十七
中顏色帶烟霞
惺來含笑雞
初唱獨抱吳鉤臥
酒家

奉侍老父陪蕭使君泛舟

鶴髮多年茹紫芝
暫邀五馬詠新詩
一尊夜色雲初淡
十里山光月共遲
冠蓋幾人同戚里
窮通無論總明時
相逢但願開顏笑
一段風流世外奇

禁步

多病年深怯世氛
柴門風雨鎖經春
虎谿橋畔

如無路長白山中舊
有人一息沈來塵影淨
萬緣空處意蟾新
不知龍馬負何事
回首囊緗恐未真

吳惟興夜話

露冷風高落葉繁
孤燈深酌豈寒溫
長安事往休重語
故侶年來多不存
白髮君心真未改
病軀吾意更何言
案頭一卷中庸在
翻到天明不厭煩

丹陵觀

長風曉渡大江來，雨後羣峰紫翠開。
笑指丹陵依錦水，驚看僊鶴駕蓬萊。
千尋栢老寒空殿，十二爐存繡碧苔。
滿地黃金人未識，可憐猶撥劫中灰。

我昔乘風問大還，千崖萬壑苦躋攀。
如今短髮徘徊處，依舊玄珠懷袖間。
白日常明丹竈火，春風不化石頭顏。
算來火記何須作，誤盡英雄凋素顏。

每當遺跡苦依依，日暮輕舟颺柳堤。
豈是興隨

幽境發總緣，心與古人齊。
林花欲盡還餘恨，山鳥相逢不亂啼。
爲語舟人且延佇，問誰收得上天梯。

日落霞明萬頃波，輕舟歸去意如何。
靈珠笑把渾閑事，沽酒如今得醉麼。
回首古人還極目，獨凭江閣且高歌。
風流莫帶纖塵在，散盡黃金煉紫河。

出香山寺

溪邊路路好尋春，何必漁郎更問津。
閑詠故應

學易齋 卷之十七
諧鳥語青袍原不帶風塵僧因偶會如曾識山
爲頻看似轉新手摘桃花向人笑相逢莫盡愛
花人

遣興

一日梳頭九日眠老翁疑病又疑僊相逢攜手
玩流水入坐披衣看遠天顧我遺來青玉匣開
緘驚是指玄篇公然一字亦無有翻覺平生意
盡傳

悠然

雲壑經春總閉關悠然終日獨凭欄世榮久與
花同賞瘦影惟將鶴共看簷溜聽溪風雨寂巖
風坐捲海天寬年來用力無多事不放閑愁撓
素歡

寤

惺來塵夢了無從且向蓬萊問故蹤雲淨月圓
千萬里水連天際一孤峰空中樓閣原非蜃海
上魚蝦亦是龍紅紫班班君莫問東風昨夜到
山儂

洞懸雙鏡敞雲扉中有真人着絳衣銀漢無窮
玄鶴度扶桑千片紫霞飛未信流珠常解去直
疑火候不傳非昔賢應笑多奇語九萬扶搖祗
寸機

塔下禪堂

何處招攜解世纏曲尋幽徑訪初禪髻螺凝翠
連山擁珠刹凌空映日懸烟靜上方開晚眺暑
清高閣謝諸緣倦來便借鄰家宿舊是南洲一

榻傳

寺後卽榻里

鑑止亭

二溪如畫列雲屏萬樹臨池護小亭溪倚村塢
開徑曲曠從江表見山青宮商百部松風合日
月雙輪午照停忘物豈須論魚鳥反觀不記鏡
中形

讀友人詩

讀書吾亦喜攻文短髮如今耻對君三返用師
還絕利一原難洗爲多聞每從逸句看神俊苦
愛霜蹄坐夜分却憶宋元招畫史解衣何事更

超羣

歲暮有懷諸子

劔水龍光燭斗墟經年底事會還踈孟誠函關別

去言猶在澌水書來歲已除克賢祠部尋丹砂熟

未桂巖駕郎薄宦意何如孟中螺川消息吾能解近

到堯峰信宿餘植子

聲名憶昔擬諸賢老去拋書意不然但使心同

江漢濯肯將身乞市兒憐何知向者指非日忽

自昂來青是天恰對蓮華峰頂月清光萬里傷

誰圓

讀書

我讀異書思異人翩然惆悵欲離羣可誰盡吸

西江水待我同眠華嶽雲句裏神交應未徹掌

中空印本無文幽崖驚起千年骨夜半雷聲訢

所聞

讀遍千經口決河聰明還自擬丘軻豈知格外

高人甚無救胃中妄想多靈照久慚非止水拙

脩其敢更揚波一泓青玉涵秋月寒盡從前喜

躁魔

寄友

獨捧圖書掩故扉
靜窺爻象到軒羲
幾先可炳心須下
物理無多動欲微
千古高賢真不偶
此生難處是知非
願君細把中庸讀
且莫從人尙錦衣

江上

一段天光透晚霞
長波千里動英華
意超物外欣常得
身在寰中到卽家
水上伊人何色象
人

間好事望蒹葭
古今多少閑銖兩
應笑空栽石上花

書桑林寺壁

縮却人間疊華巾
解來今古幾何人
因聞啼鳥聲前意
遂悟菩提象外身
一切盡空儒亦佛
當機能歇幻皆真
可憐軀殼爲生計
懷抱何緣得遠塵

立秋後一日作

新雨新秋事事妍
恍移濁世近鈞天
樹將遠色

歸雲暝溪入湍聲亂晚蟬葛帶風輕身似葉竹
軒涼淨意如泉爲言罔兩休相問肝膽遺來已
不全

睡

病軀端合掩柴關藥物無功意已閒食少仍裁
澄濁辱睡多加穩蓄頰頰四峯腸胃令空淨一
氣清虛自往還玉液曾聞滋色澤更圓靈照出
塵寰

舟中月夜書懷

清秋使節下長安多病孤舟懶著冠沙塞月高
千里夢海門潮渡五更寒靜捻香篆知聞性深
愧承蜩學纍丸萬事過前誰是了踈桐蟬抱蓼
花殘

書壁

學難如意苦紛綸每欲離塵更染人水外燄光
偏眩目塊邊狂犬故多嗔松菴孤跡門常掩風
雪殘燈夜屢晨匣裏偶拈秦鏡在照清肝膽不
容塵

學易齋 卷之十七
靈光今古亘常圓誰看吾身未有前看得身
前悟身後自無心火到心田春明獨掩衡茅坐
雪霽潛迴草樹妍客至何須論同異旋烹山茗
奏無絃

溪上晚送吳惟興

啼鳥連林十里溪杖藜清曉叩柴扉熏風正
午涼生座殘月溪更光滿衣前輩交情貧自
好近來物態是還非殷勤惜別溪雲暮如此
逢迎侶者稀

學易齋集卷之十七 終

學易齋集卷之十八

豫章萬廷言著

七言律詩

秋晚讀易

池上高梧落早秋病軀淒葛晚悠悠日斜遠
水餘殘照樹合輕陰帶小樓抱拙轉窺藏知
密驚寒坐覺亂華收却憐黃葉紛紛者竟爾
從風未解愁

寂照人間絕所依纖毫不與古今違名香風
細凝初念草閣秋生歛世機溪水冷涵松際
月庭

梧驚薄病人
永夜深自倚欄干
望繞樹空憐鳥
鵲飛

次韻酬西原叔太常

秋淨長空日月高
虛明端不染絲毫
洗心共抱幽人拙
弄影誰非知者勞
海嶼雲收天望遠
萬松濤壯晚風豪
達鴻不是人間羽
銀漢還期掠桂舫

次韻書懷

秋色脩脩轉大清
病驚風露怯踈星
采芳歲晚

思公子彌棹人憐
向夕汀烟入庭柯
凝碧縷月橫殘几
照孤經幽居自有
靈脩處何事漁翁
畏獸醒

青蓮千疊迴孤高
玉漢雲收露一毫
惆悵道州人去遠
蕭條廬嶽望空勞
澄渟雙眼秋凝碧
風月何人天挺豪
萬里寒濤開極浦
涼飈吹葉起蘭舫

秋晚芙蓉花正高
靚臨水際絕纖毫
芳初采處心先苦
志不同時媒自勞
南郭隱來形已槩
龍

門老去與初豪欲捐袂袂應無路悵望湘沅上
小舸

飲涵虛閣

涵虛高閣傍湖端盡日登臨興未闌日月檻懸
雙景倒樓臺烟渺萬峰攢橋邊馬跡遊萍合樹
裏人家暮色寒醉倚闌干如在鏡徐亭恍惚影
中看

秉洪溪學憲構居湖上未就予訪焉有作
孱羸便靜苦城居愜素頻尋湖上廬淺構還須

畏風雨短窻何日慰琴書塵生戶几心偏潔身
在榮名術轉踈指點從君問鄰里隔湖亭子舊
名徐

予欲於主靜堂後建一小樓未能有述

千松萬竹護危丘合建中天百尺樓日曙孤桑
看影倒星低平野俯雲流空囊自訝稱貸少妙
手權令作畫休我在世間如在畫凭闌心迥更
何求

答屠枰石祭酒

屏務捐書夏又徂小齋如寺寄衰予隨流滅沒
千生念沈照淵凝一息初影迹雙收天驥擾境
光俱寂海蟾虛山中藉此爾知已敢以空名辱
貺書

畱餘堂

窈然深谷浸平湖中有真人遊物初海靜春潮
看消長巖空秋月見盈虛閑枰獨對千年迴與
世聊開一局徐自是天源流不盡非愁涸轍愛
畱餘

觀世音

誰吼潮音儼可聞忽驚大士露全真隙駒影裏
恒沙界水月光中萬劫身翠竹猶然開妙色青
袍吾亦是閑人一蒲相對形骸外耳照溪旋絕
世塵

寶篆香焚意已超夙生昏翳此中消世塵如響
自生滅緣慮與聞俱寂寥夢裏覺觀原不夜漚
邊漩沓是全潮須知此理同未發屢空上去顏生

老一瓢

溪上獨泛

短簑長笠一舟輕
江漲初添溪水平
嫵綠含烟翻老樹
層林環翠起高屏
橫斜水疊隨風浪
隱見峰危帶雨晴
獨泛前村不知返
偶逢漁父話平生

閑

逢緣應事渾如客
應罷於吾了不干
生計從教人語拙
優游惟喜自心安
青山綠水清神觀
野色空音愜素歡
慮躁身閑羞鷺影
翩然靈鶴意

中看

荷山寺歸

心鏡高懸空且閑
衆生浮影着其間
每憐狗影翻多事
獨對諸天愧病顏
暝壑風歸甍劇暑
中宵月滿現孤山
却看咫尺銀河在
誰洗浮生落影斑

重陽夜夢入省城
人家賦詩隱然欲就而
覺遂成之

帆落江城沙影繁
寒風溪雨款柴門
洞簫僊侶

學易齋
卷之十九
五
翻新吹榻屨高人着舊痕滿座忽來千里客孤
懷應與幾人論芳晨莫遣風傳笑共把茱萸對
酒樽

宿丹陵同鄧汝德太史

爲愛高秋爽碧岑招攜一榻臥雲林風清雙掌
擎瑤露月影踈梧落碎金輪栢嵐樓深暝色寒
螢夜永起悲吟平生獨抱幽人思到此令人思
不禁

晴雨江空曉色開肩輿沙際陟仙臺向人庭栢

終無語鎖石閑雲夜更來悟劫已曾回世念當
爐猶憶撥寒灰仙翁妙跡秋風裏鸞鶴何年下
島萊

語言道斷只端居此會人間未可無別院無聲
風落葉中庭有白月生梧徘徊千古思濂洛究
竟斯文到馬圖何許太華還不爽萬峰高處鶴
頻呼

次爾汝德

玩易溪山可計年病憐孤思遠翩翩能生虛白

學易齋 卷之六
自有室入艸黃宮故未玄中歲逢君徐孺里短
燈清話錦江邊微風吹月踈梧影爲證先天第
一篇

玉漢翔鸞迴若閑雖雖情韻逸江關清風被物
妙無迹汪度令人挹不還世論須歸頭白後神
交豈必蓋傾間爲家同住匡廬下願與青蓮共
一班

宿蓮花寺

江村殘夜月明樓僧起鳴鐘霜滿頭繞膝聲中

千佛見湧蓮深處一燈幽山鳥覓施啼方急庭
栢含烟翠欲流自笑百年成底事高眠終日歎
生浮

蓮花寺候王子植李孟誠未至坐三笑堂

有作 堂有三
笑圖

淒其清露灑文裊古壁徘徊更愴神漫倚停雲
懷舊侶喜從名畫見高人霏微嶽帶寒烟出蕭
颯風生谿虎馴嗚咽橋流幾千載獨憐笑語到
今新

籬栽紫菊傍江濱醉向南山晚得真歎逝休論
身外影相看吾亦畫中塵燈懸古剎魚傳夜香
熱寒爐鳥警晨他日蓮花尋故迹未將長笑動
閑人

贈呂滄南方伯

春回雲暑日初溶影入瓊枝色正濃忽爾半搖
秋夜雨獨看千丈玉芙蓉江邊病愧蹉跎甚夢
裏俄驚笑語逢匣有青萍人自呂座瞻紫氣愧
非龍

月鏡飄蕭駕海濤千峰雲淨夜偏高黃金不記
懷孤注縞鶴時憐掠小舠北極故人來玉節紫
薇晴色染綈袍淮南見說傳鴻寶可爲相知解
秘笈

次雪韻

嶺雲千疊夜初來忽見皆除白小堆瑤圃迴憐
人似玉孤山應化骨爲梅身如淨業歸寒素坐
對孤燈自品裁風味此生惟茗飲掃從砂銚曉
頻煨

紛紛織綺積簷來瑩澈虛疑未有堆着色甚工
誰讓潔反聞無臭却過梅山如姑射清堪挹人
似婆羅志可裁所以袁生甘獨臥十年枯木擁
寒煨

贈王太守

秀聳峩眉蜀道開紫光千丈繞雲臺使君高結
雲光裏玉節遙持秀色來磊落風塵迴宇霽飄
蕭江閣啓尊罍怪看袖拂西山雨爽氣俄分翠
作堆

省城覓馬夜歸

暑侵江淺覓舸難葛帶斜陽小騎安已覺風從
塵外到更餘月向夜中看天宇垂青蓮作蓋露
華含曙玉爲團不知猶在人寰裏只道銀空駕
紫鸞

再次答汝德

聞說鍾離駕鶴年三千雲蓋擁翩翩只今遺像
畱空殿亦對寒花不解玄性海自鎔天地髓黃
金豈鑄鼎爐邊試看夜半能惺處收在石函第

幾篇

曾以春風比此閑尋常未到玉門關待看聲利
冰將解始有陽和噓不還江水故應塵外地君
今尤在水中間蒹葭白露空延佇矯首伊人未
可班

我昔凌空問海萊擬從仙子上瑤臺半途自覺
千經誤不似心靈一點開蓮自步生隨意去風
從吾御拂衣來忘形便覺人何繫有網還知天
未恢

百年

空郊寒鴈寂無聲歷歷終宵夢不成短髮鏡中
浮影過幾人江上狎鷗輕乾坤舊入華山大日
月空懸湘水清歲晏柴門頻自掩百年高臥付
閒枰

細雨斜風苦未禁微寒驚薄故衣襟老知世事
淡無謂病覺心源味獨深華髮一簪霜葉委縹
緗萬軸夜燈沈丈夫自有百年事不作秋蟲遶
砌吟

有感寄章本清

自擬宵眠不解衣，懶慚四十九年非。
繡殘已覺書無味，戰後須知貌可肥。
信有明珠出滄海，豈妨貧病掩柴扉。
向時上苑同榮樹，回首風霜半欲稀。

獨擁禪衣坐草廬，回飈吹雨入簷虛。
有懷日暮人餘幾，無那愁多歲易除。
榻里風高霜落後，蓮峰月滿雪晴初。
病來試借臺中鏡，照我雙毛已半疎。

問君此際意何居，傷逝應須歎溜渠。
今日所嗟人未了，他年誰信我無餘。
極知事後悲空晚，轉覺情深語不舒。
有物飄蕭雲漢裏，念之吾意欲凌虛。

梅

殘雪江村淨，遠沙曲籬深。
處見梅花寒，香初凝半欲動。
孤影入照，殊未斜地僻，昔窮兩寂寞。
風清月白聊繁華，種來冷骨本如此。
不學桃李何怨嗟。

學子易齋
卷之十一
寒花空自結寒枝公子不來今幾昔明月中宵
還獨照芳心一片與誰知高齋靜倚迴塘曲短
褐聊從老樹欹相對不禁成冷笑果然幽病共
襟期

霜搖寒木萬山空
縹緲孤芳雪照中有似靈山
枯座冷獨輸迦葉破顏紅
廣平作賦誰相肖水
部長吟苦未工
傾耳雲霄吹鐵笛
玉人無語自
東風

夜飲方比部宛在亭

城西已是遠風塵
環水爲亭更絕羣
春漲碧沈
千樹柳女墻
暝遶萬層雲
人似乘槎浮海嶼
燈如漁火點江濱
鄰兒不解客何在
只道空中笑
語聞

題胡孟弢匡山讀書處

寸心膏火自熬煎
淨洗須煩三疊泉
煉液久憐
丹竈渴清秋
欲借石牀懸
天風淨几深
龜息巖
月鉤帷印虎絃
却訝橋邊結廬者
猶將笑語向
人傳

學易齋
卷之十一
登妙蓮峰

舊名白狐
峰今改名

我欲調心最上乘解囊雲外點蒼青峰頭八面
團金相霧裏雙龍護寶經壁俯海桑危瞰日風
踈厓竹空搖星千年巖罅如相待蘿薜從教遶
石扃

此心如日照晴空獨上東南第一峰無礙直窺
天際外何微不入眼明中風靜九江全鏡面霞
明廬嶽半芙蓉乾坤萬劫應如是寶月瑠璃一
色溶

秋初得許孟中守盱之報抵冬始聞取道

撫廣赴任寄此見懷

駕郎出守報新秋歲晏懷人江雨收彩鷁近傳
過汝水軒車何日到南洲故交別苦思黃憲山
郭人今迓細侯爲問麻姑雙鶴在好看吾欲跨
雲遊

十年一別自桑林各抱平生冰玉心苦憶朱顏
近何似却憐白髮已相侵轉知霜落松鱗古漸
覺巖虛月鏡深爲遣薜蘿休漫長會迎五馬度

高岑

使君昨者住長安三月書來九月看薄海豈無
吾郡在乞恩兼借故人歡西山孤節驚雲度劒
水雙星忽斗蟠潦倒江湖更何語相逢一笑勝
彈冠

黃金臺下舊同儔已分漂零可記秋好似空林
霜後葉飄來何意忽相投昔違自信行藏重政
散寧無惻隱流知爾淮陽應未薄故交風月况
兼收

次韻

黯淡輕寒慘敝裘青天苦亦奈清秋根從石涸
依霜出知到年衰喜北遊轉丸日月回三島搏
鼎乾坤到十洲却訝公輸窮巧力凌空束手看
雲樓

鷗冠兼以鹿爲裘溪壑晴烟鎖素秋不有玄珠
歸象罔可誰六鑿見天遊雲迷遠岫寒將暮聲
起荒郊鴈落洲拚盡此身無用處日斜巖迴一
登樓

鷓鴣班吾亦製狐裘棄置如今不記秋惟有五湖
三島興祗須長笠短簑遊閣臨滄泝圍洪渚望
入晴蟾起溆洲人世語言吾不慕最高殘夜水
明樓

社燕

茅屋深沈高樹遮晴烟一縷起朝霞幽棲久已
辭同社紫燕猶然念故家半開曲徑柴門舊萬
點紅英碧水斜顧我原非王謝宅年年同爾看
飛花

社前社後多風雨此日偏逢霽景鮮縹緲空明
涵碧水霏微山色帶晴烟梁泥欲落看新燕溪
雨飛紅憶舊年聊寄一巢吾亦耳往來羨爾更
超然

人生幾見社分同况復晴歸萬象中驗歲豈須
論前後問農今已十年豐浴沂鼓瑟吾行老社
舞村歌點意濃聊借差池微翰羽拂雲雙下舞
東風

再用韻

學易齋
卷之十八
銀海微儻紫霧遮山人顏色自烟霞冥鴟一息
歸何際玉燕雙飛別有家草閣香銷茶正熟義
經註就日初斜碧桃天上今和露風雨人間幾
落花

玉蚪閒控翠雲遮拂袖尋常散曉霞萬事青
羗惺後看一身村社且爲家晴搖淥水湖光灩風
入踈簾燕影斜我得華山真路引五龍門外任
飛花

晚晴

風開遠郭暮雲平紫燕晴霞送晚清長嘯不驚
山外客拂衣非慕魯諸生乾坤萬里真吾眼今
古何人得此情昨夜北窻閒撥火玉爐深處一
星明

寄謝曾于野中丞

故人遠啓薜蘿封風雨嚴趨江上峰座裏燎衣
還自數別經華髮始相逢深雲片石寒孤影短
夢踈蕉失舊蹤同水想如前日綠挹君翻使意
忡忡

寄張明成太史

一息溪知足萬年平生不結世人緣空林長日
無知己翠壁寒茅瑣暮烟學士魚焚歸更早碧
山秋淨夢相牽蓋傾自訝迂踈甚底事幽人便
爾憐

贈徐伯繼給諫給諫與予同師事荆川先

生

荆溪曾共惜芳顏玉樹英英不可攀忽爾風塵
驚短髮擬將呼吸啓玄關雲中久下雙鳧舄天

上猶懸青瑣班鍊就黃金可閒却酬恩應結寸
心丹

猿馬奔騰不自禁攝歸一息是金鍼顏顏可注
吾何用覺海無窮味正深晏歲重逢江上月百
年誰見古人心姓名慚負河汾傳門下元經久
陸沈

坐

睂月簾垂息到淵詔爲氣定亦誠然炎途奔駭
方堪訝幽室清泠或可賢草樹姿廻平旦潤乾

學易齋
卷之十一
坤心藉一絲傳紛紛充塞論剛大俛首牛山孰
解玄

睡

午園行罷北窻求眼睡何如心睡休夢已無之
安得鹿蝶胡爲也更依周濕灰作念飛難起秋
水爲神靜不流有客叩門童子止先生方與大
清遊

悟

造物從知未可模世緣那用巧評圖丹楓羽士

昔更化大冶祥金躍得無樹裏雲來尋宿侶桂
邊月到現真吾手中把玩蒼玉髓忽作秋水生
芙蓉渠

次答明成

清朝久聽珮聲珊誰把瓊枝作釣竿蕭史峰前
秋色淨滕王閣畔月光寒溪言自古人難信巧
着終看局易殘見說雲雷起天際扁舟應未許
盤桓

清風池閣響珊瑚池上新栽竹萬竿耳照溪旋

學易齋 卷之十一
喧亦寂心源已淨暑猶寒古人蹊徑半生盡世
事經磨百念殘短髮蕭蕭行老矣報君隨地得
盤桓

小樓

盡束殘經閉小樓一蒲深坐擁寒裯貧無雜食
味偏正事只如常心自休夜半六根惟此耳夢
中踈雨獨驚秋無人爲語多知者衆妙誰云解
上求

涉世年多悟拙脩北樓高閉幾經秋書從溪讀
方知味心不求人可自由天地豈妨明晦共江
河坐看古今流囊中注有羲經在龍馬肯肯爲
點頭

別羅近溪丈

翩然有客下南洲人士爭迎絳節遊世縛多從
笑裏解青蓮翻向汗中修孤雲野鶴天隨去翠
竹黃花晚更求許我重過江上寺高歌殘夜水
明樓

夜過西原叔吏部

長日沙堤畏暑侵，葛巾乘晚試相尋。
簾疎遠影星垂野，杯接幽光月在林。
一夕竝談清世語，十年閉戶古人心。
廟堂見說多求舊，啓事山公素所欽。

寄許孟中

孺子何知辱解顏，依依函丈夜過關。
趨庭敢謂傳經易，刻鵠深知畫虎難。
祗愁攔入聲聞裏，遂欲全之混沌間。
爲謝先生畱好語，春風餘韻滿柴關。

我輩論交四海聞，羞將意氣逐風塵。
洗心覲面誰相借，江漢千秋未易論。
堂下斲輪原有數，指端看月故難真。
雞鳴往路霜天曙，惆悵軒車又入秦。

菊

木落空山萬卉凋，寒枝矯矯起蓬蒿。
黃華露重芳堪摘，玉節霜驚晚更高。
河上匹夫故披褐，杜陵男子何詣曹。
春花氣象人所羨，不肯碌碌聊自豪。

兩是

霜落西風淨碧濤飄蕭銀海子珠高解空善現
方無住四顧庖丁始善刀兩是故應如沃石三
呼誰得似虛舫衰年學道渾難事龍馬淵潛愧
二毛

予以婚男至新吳賦答蔡見麓丈

鷓鴣六月息江濱高閉松關兩不聞扶地自甘
卑斥鷃扶搖真羨起垂雲婚嫁客來身已老烟
霞書至錦爲文仙湯我欲凌風去直恐清芬未

可分

病體

病體初逢氣候勻東風噓拂柳華新靜中析理
條條合老後看書字字真不作閒言諧過鳥爲
丸靈藥避囂塵桃花洞裏今千樹未必漁郎解
問津

二十年前苦探微手中曾握化生機翻慚鏡影
添憔悴苦恨人言多是非高閣懶從玄艸廢窮
山坐看白雲飛乾坤一點歸何處雪映梅花半

掩扉

鼎中蟾淨紫庭丹案上經橫滴露殘拂拂東風
最瀟灑飄飄長袂遶琅玕金從煉後纔堪試花
入春來便可看袖裏龍淵人莫訝毀鈴猶恐夜
光寒

學易齋集卷之十八 終

學易齋集卷之十九

豫章萬廷言著

七言律詩

秋晚讀易次先師念菴先生夜坐韻十首

淨念猶如脫葉然飄蕭辭蒂曉霜前林疎九埜
寒無色翠映千峰空遠天韋絕病懷秋轉劇雲
深高榻夜孤懸攻堅信有兼瑕力誰道翻令瑕
者堅

晚從溪豎學看牛覓得青牛向道周忽有紫烟
飛玉笈遙隨新月挂雲樓一枰千古矜狙喜海

浪風輪歎蟻浮假我數年還卒業猶龍太息思
休休

曙轉鴉鳴衆動先芸芸物務早相牽空齋獨掩
無人問斷簡高封盡日眠神以靜清還恐濁事
因多鍊不求全五龍舊是河圖派華嶽沈沈一
息傳

乾坤病色晚孤真着面清寒難借人幽獨儼然
君子至肺肝從見百年神蒼烟擁壁松爲幄短
褐棲雲鶴作身不似振衣方沐者彈冠空詫一

時新

楊雄偏自得人嘲意淡終難與世交已是鴻冥
翔冥廓尙憐弋宿慕雲巢霧芽月肺清相引石
火星爐晚自敲著論求知非我事太玄艸盡亦
須拋

星列名題炯座箴壯懷銷盡豈從今獼猴不亂
幽人履松桂常叅靜者襟老去風雲從轉變秋
來匡蠡自高深儼然夜起羣仙闥印我清圓初

地心

山堂念菴先生
扁曰主靜有記

學易齋 卷之十九 二
明月當窗自賞歎清光一味已堪餐繞枝底事
飛鳥鵲盪影翻空訝水盤靜後轉知玄照寂衰
來未覺杜機難關山幾處傳秋笛不到寥天夢
亦安

孤峰迴與碧霞齊晚躡玄蹤結病棲世法自嚴
三毒戒松關高借一丸泥秋淨雲霄看獨鷲夜
深風雨聽鳴雞亦知共有惺然意祇是逢人未
易提

宇宙無窮詎敢忘詩書繙盡滿匡牀神交直欲
追千古尚論那堪隘一鄉山分泰岳當窓起溪
似蓮華遶帶長白雪調孤懷我友歲寒天地幾
來章

門墻立雪亦吾曾人一吾嘗與百能儵忽無端
還混沌丰神千古自淵凝亂飛木葉天邊雨驚
薄霜風衲下僧所賢明珠堪媚晚人間何用得
名稱

寄汝德

使節春持報上京中途乞假寄江城題門客到

多空返結夏僧閑間獨行山自西蟠凝紫氣人
從玉案注僊名憐予抱病蕭疎甚書札頻來慰
遠情

早期春盡叩岩扉不覺秋生梧葉飛江樹停雲
愁歎倚山樓樓月夢相依幽林籟空傳清響宴
坐書捐絕百非見說壽宮垂古柏懸知掃地待
披衣

楊祠部園亭

祠郎藻思逸塵機城裏爲山疊翠微花簇虛亭

高映日洞凝幽雪曲含暉遙峰接檻雲侵座暝
樹分櫳月上衣不向子雲問奇字賞心玄默閉
園扉

城市爲家寂若無重門高閉日懸車花前宴坐
因成寐臺上焚香聊讀書每有新詩傳客卷間
攜清枕臥僧廬早知三徑開來晚應許鄰園仲
卜居

贈姜憲伯

爲厭風塵息世機豸冠偏掛着荷衣花前醉賞

同儕少塵尾高談知我希霜刃早看迎節解盧
呼晚咲注金非多聞貴客空投刺嘆惜高人獨
掩扉

從姑山呈羅近溪丈

天柱峰危逼紫霄層巒環俯氣深豪孤騫鶴矯
凌風翼萬疊鰲翻駕海濤碧水斜陽秋色淨蒼
崖古樹暮烟高坐來蟾窟逢新霽不盡圓光注
一毛峰側有蟾窟
僊人無那苦探奇高步天橋絕所依爲愍衆生

沉慾海負超千界敞靈扉病來猶覺此身健夢
裏常隨五嶽飛吾意直須凌漢碧孤峰聊借振
秋衣

同鄧汝極年兄遊福山

夾道峰危勢欲旋劃然磴底吼寒泉鶴林翠滴
晴猶雨豹石蹲窺斷復連泉裏虫鳴轉笙磬峰
頭僧下破雲烟讀書羨爾多奇趣九曲秋深一

榻懸

晦庵先生名
之小武夷云

福山武夷堂讀汝極兄易繹堂名晦庵先

生所題

堂上武夷猶得名堂中不見武夷人清風吹月
空無際喬嶽臨軒似有身閉戶歲深君獨苦傳
經心迥晚誰鄰圖書讀罷香烟盡玉露驚衣曉
色新

羣經註後繹常編端默名山趣更玄象儼道岩
窺月證硃和靈露滴松研乾坤半夜全歸息龍
馬千秋總在淵我亦圖書曾着句臨文翻媿思
茫然

同汝極夜宿福山最高處却寄孟中使君
我生本是幽人履幽處相逢不記還白石漱泉
清道念秋花垂露浥顏顏紫霞影射千峰碧寶
月光涵萬樹閑却憶邦君正何事可能攜杖到
松關

偶同仙侶話清時人世升沉總未知獨訝棠陰
今乍好使君來者爲伊誰雲披暮壑寒雙影露
宿危巢剛一枝見說黃堂新築舍避居端與此
公期

送李子孟誠年兄兵備青菜

經世多君出世才，鄴侯遺事更雄哉。身從今古
乾坤數澤帶江山，雨露迴寶氣十年含。劔水龍
光五夜燭星台，大風東海堪誰表。推轂中朝特
詔裁。

未應樽俎傷兵戈，帷幄從容委玉珂。報國轉知
華髮重停雲，其柰故人何地近。東山窺魯小光
分，禺日借齊多。蕭條廬嶽星孤映，亦自寒芒照
薜蘿。

早共彈冠向紫宸，豈期多病老江濱。百年肝膽
誰知己，千古經綸已屬君。此去泰山應獨步，向
來日觀愧空聞。秋風倘借扶搖力，駕我金光海
底雲。

萬襟宇工部，枉顧山堂月下。贈別便寄京
師同志。

名郎藉甚著神京，忽枉衡茅照眼清。百代衣冠
叨姓氏，一枰談笑慰平生。坐驚月榭冰壺迥，遠
想鸞班玉樹英。瑚璉定歸清廟裏，白頭空抱愛

君情

空知報國媿才疎多幸歸來臥草廬照水芙蓉
閑自老采芳公子故無書松溪日遠寒消暑露
下天高月滿除若訊子雲譚易理沉冥餘味在
中虛

次答王以忠見寄

落盡芳華歲月侵蒼然獨抱後凋心欲知病骨
誰相肖惟有青松似只今入暮冥鴻排許字舍
情江水不如深北風未肅溟鴟翼感我逍遙豈

浪吟

來章古詩有云北風肅萬物鵬翻
嘗自舒自非真逍遙能不隘捨榆

高梧月上露華侵清照悠悠萬里心洒脫能同
幾人語寂寥應有似吾今幽棲藝畹猗蘭迥極
浦懷人秋水深隱几白雲謠尚在不堪愁思起
長吟

江上送客舟宿至德觀下同汝德太史

上客朝京辭舊林晴川簫鼓遠沉沉樽前暮色
西山盡夜半幽懷楚水深風斂雲根清石骨天
投星影淨江心自栽松桂巢猿鶴不爲移文起

怨吟

孤舟不記漏沉沉宴坐同冥半夜心
隔岸燈懸深暎水依嵯鳥宿靜啼林
白沙照影星芒近碧落涵江露氣
深便似此身馭鸞鶴高霞清曙啓
丹岑

孟中自盱守擢副按察督學關中

典文使者入咸陽盱上除書捧建章
寥廓中原靜風雨清平江國起鸞凰
河從九折流偏壯珠以深埋夜有光
莫憶小山叢桂老淮南秋煖不

飛霜

百二山河素所歎秦中垂白此爲官
詞源桂北黃流壯節操關西華嶽寒
天地九秋憐別易風塵千古得心難
當關倘遇著書者玉檢煩君仔細看

匣藏秦鏡凜寒雲曉啓菱輝把贈君
不盡乾坤毫裏現雙行日月掌中分
臺臨涇渭懸秋色光借嵩巖結彩雲
眉宇看君多朗氣願畱溪照燭斯文

宦跡憐君似轉蓬
儒臣分陝勢初雄
關前紫氣東來滿
案上西銘局外工
寒佩星分龍劍遠
孤峰枕伏華雲通知已
若逢詢舊侶
高秋黃葉慣從風

孟中枉顧羅原有贈

不爲風流許使君
蓬壺誰剪薜羅紛
百年兄弟幾相見
此日達鴻况遠羣
世外烟霞齊入色
席前談笑故無文
多情莫訝蕭條甚
猶有孤峰鎖白雲

大中丞馬定宇公枉顧鄧太史與予於圓

常寺奉酬三首

公青
州人

江風吹寺散初晴
座擁樓船江水平
上國共推嚴節鉞
荒郊何意下干旌
青陽海岱分春色
簾雨西山捲暮情
聊對野鷗閑盡日
達鴻天際曉雲輕

風塵蹤跡故非夫
掌上匡廬秀色孤
地自南洲懸榻里
人將茅屋比蓬壺
寒帷問俗朱轡重
夾道爭趨萬姓呼
慚愧書生疎節甚
禪房春茗泛

齋爐

烟雲未散一峰青家在峰頭雲作屏天寶偶同
仙案吏蘭臺得傍大夫星嶽色迥高人自近楚
珠堪媚夜難扁彼美中原頻擊節石林高枕太
玄經

羅原夜坐寄汝德

東溪溪水遶門流溪樹層雲護小樓入座正逢
明月上懷人不盡晚風悠寒蟿幾疊倚蘭意海
鶴雙飛碧玉秋誰信蟠桃堪自慰千年高實晚

相求

孤峰秀拔章水南高結冰壺第一菴日月雙飛
逆爲朔乾坤無始一函三經多世味終歸淡銷
盡豪華未是慙左右吸呼吾不住蕭蕭竹樹晚
相叅

徐克賢副憲書至

大末山人豈奈官十年猶著惠文冠雪調絃高
危古瑟烽烟曙遠照初寒江湖老去懷空切天
地書來歲已殘想過罈津更延佇斗間龍氣若

爲看

得友人書

艸閣寒銷春欲晴
溪山雨過骨毛清
烟浮香篆連雲駐
花壓朱欄照水明
有客弄丸今已老
舊交結綬故多情
乾坤百種吹噓者
自愛東風遶袂輕

趨榮吾故苦煩腸
世味經多轉自狂
寵辱兩遺貪境遠
居眠無累覺春長
分花種竹依方丈
移橘栽松遶砌塘
不道塵生吾不染
總無塵到水

雲鄉

人言無事方無事
我欲無從有事看
家衆荒畬逢歲窘
年多婚嫁苦衰難
沿溪花柳春須問
展案經書夜屢殘
一種幽懷渾不繫
縱窮祇覺此生拚

馬中丞候代南康寄別

世事如碁局更新
一枰高捲了無因
碧烟溪轉黃鸝曉
白日光清紫陌塵
玉節暫紆江上棹
使星聊次海之濱
却慚舊是蓮華主
不及匡廬送

學易齋
卷之十九
十一
故人

予嘗稱蓮峯主人峯在匡廬

丁右武兵憲之常德過桑林夜話有贈

僻居雲剎客過稀
驄馬翩然叩短扉
三世論交真不偶
百年吾道孰知非
棋因悔屢着多妙刃
以行難動欲微鳴
鳳朝陽人共羨
江干分袂重依依

悠悠人世話難圓
細雨簷花蠟炬殘
跨海可誰矜浪息
濟川從古歎才難
盈盈白壁連城重
矯矯青霄一羽搏
鐵笛聲高黃鶴醉
洞庭聊向掌

中看

次韻答王以忠

柴門因病鎖秋春
客到依然是病身
萬里寒濤憐去迹
一尊踈節見吾真
譚詩直擬追天寶
作論須還准過秦
四海只今同調少
白頭瓢笠向何人

溪擁禪衣坐小春
肯將貧病負閒身
百年皮相吾何有
四海神交爾自真
天地一元龍在息
圖書千載火經秦
甄陶八萬歸吾掌
糟魄空憐堂

學易齋
卷之十九
上人

以忠出示王
龍谿調息說

徐克賢大叅將至桑林先以詩教賦答

見說仙舟出豫城幽懷破盡笑顏生官叅藩省
遊非薄詩削芙蓉晚自清帆外烟霞朝動色匣
中星斗夜生明風塵握手知難事白髮吾儕幾
弟兄

松關高閉日離羣一曲清商祇自聞白雪欲裁
含楚思青鸞先裊下江雲交論四海人多舊身
繫斯文誰似君莫惜一尊山色暮雙毛吾亦愧

斜曛

酬唐玄卿尚寶

卅年爲別歎蹉跎忽捧瑤華奈爾何世事浮雲
知拙貴故交高誼覺情多空行有路慚天馬地
僻無人掩薜蘿雪調家傳誰得似獨飄清響到
山阿

家住溪山萬木青案頭惟有一函經和衣閒共
寒雲宿持地平於秋水停重喜故人懸璽綬獨
將清夢遶銀屏曾聞守駿翻如跛臺上黃金色

正熒

寄克賢便招枉羅原

憶昔明光拜省郎雙飛海鶴故昂藏官名雲署
身何繫人自蘭陰室有香匣劒忽驚風雨散江
籬空對楚天長一尊世外猶堪醉幾日春風被
野棠

幽踪偶爾寄蓬壺天拔危峰山是孤人自比林
梅可賞門如有客鶴堪呼仙帆何日來章渡狂
我遲君泛太湖清淺橫斜非剩句風塵高詠亦

醍醐

桑林別克賢後却寄王以忠

故交久別喜相逢不盡懷開笑語中古寺忽驚
桑海曙深雲誰鎖去來鴻未論彈指超無學自
可單瓢得屢空天地一枰閒局在古今高着幾
人同

午日西原叔邀飲長春臺

招攜佳節試登臺拂面涼風霽色開世泰不妨
還弔古年衰相見且銜杯溪山夾岸浮晴綠竹

學易齋
卷之十九
樹侵堦遍雨苔蓄艾已深吾病在一林
蒼荀看
如來僧偈云蒼荀
林中無異香

苦雨

據梧隱几亦吾便生計蕭疎不問天元傲誰磨
彭澤穎謂何終歎北門賢莫將書著窮愁裏且
放歌狂濁酒邊欲上千峰看八表深雲滄海正

茫然

陶云兀傲
差若穎

蒼茫天地拙無營盼盼豐年慰我情積雨深村
孤巷寂高眠終日百愁生磬懸瘡瘵悲空切壁

立文章老未成獨對蓮花高晚色青霄廬嶽病
崢嶸

同章本清舍弟以和宿汝德山房

崒兀西山屏几前碧濤千疊水浮天洞雲靜與
爐烟合庭草平分岫色妍壑暝千松飛宿雨風
迴溪澗吼寒泉自非共抱幽人履誰與孤岑看
月圓

山堂對月有懷汝德

積雨長林見月稀茅堂此夜特生輝雲消天際

開金鏡露滴松簷薄
亭衣山靜有人攀
桂老庭空無鵲繞
枝飛嫦娥誰道堪
孤另自許同心結
帶帷

寶月空懸萬境熙
乾坤真似淨琉璃
憐誰沈曠三年目
得似精明此夜知
帝網珠聯光可斷
銀河雲靜鵲堪窺
想應石榻危襟處
已照維摩病裏思

七夕後二夜夢明成學士見枉問予近作何詩偶誦云云大笑而覺却憶汝德太

史何未入夢因卽所誦者賦成二首寄明成汝德時明成得告

槁形聊倚晚梧棲
草閣湖峰一榻低
趁日白鷗隨水戲
依雲青鳥向人啼
美人忽夢蓬壺夕
明月高談紫蔗蹊
見說碧山真自掃
蓮華正滿杏樓西

山樓孤倚白雲天
病枕高欹盡日眠
春到野花隨地點
夜來江月及門圓
清夢不遮吾眼碧
紫霄猶借故人憐
可應秋水蒹葭外
一葦翻迷咫尺

尺前

二首中各第三第四句皆夢中偶誦者

蘭

脩容環帶美人姿
玉立亭亭向夕墀
碧影靚隨蟾影寂
素華深挹露華滋
凝香不動含秋思
幽意偏多畏衆知
擷秀自堪君子室
采芳誰抱楚人悲

雅操清揚得似君
羞看芳意逐紛紛
靈芬獨妙寧甘寂
幽谷間飄爾自聞
紫葢素莖恬着色
玉人瑤圃遠爲羣
初來楚客空云佩
未解將心向

爾薰

清宵梧落暑將微
明月流光入我幃
涼露零空芳盡歇
幽姿窺戶獨相依
分來九畹秋花試
憶到三湘病思飛
起讀遠遊慚爾茁
靈根中夜幾芳菲

羣芳一賞足爲歡
惟有幽蘭苦柰看
臭味千差清遠貴
精神諸品靜深難
風莖不裊香初結
露葢猶含玉乍團
秀挺儼如仙羽拂
紫烟瓊葢起琅玕

昔人謂蘭蕙一種惟一莖一花或二花生於春者爲蘭香最清遠一莖數花生於秋

學易齋 卷之十九
者為蕙香劣於蘭山谷先生亦云而晦菴先生則云未然也予家有蘭二本皆一莖數花開於秋初其一莖色微紫香稍淺迫其一莖色青碧香極清遠深靜可愛予因疑蘭蕙當以香辨不在花數多少且楚辭竝云秋蘭則亦安見秋花之為蕙也其花初開昔莖微黃多細紫點香氤氳其中層瓣披敷青碧瑩潔若垂蓋然真深藏自得倚猗揚揚孔子所歎而操馬者矣因記之以俟博物者

學易齋集卷之十九

學易齋集卷之二十

豫章萬廷言著

七言絕句

曉坐

清曉焚香習坐忘
細烟閒裊白雲長
看來吾學無多事
只去胷中一點忙
坐來何事懶觀書
博記能令心不虛
一榻松菴寒夜曉
直窺千卷入黃初
耳目休將形體拘
天生神物此為樞
試緣視聽機微轉
被褐真懷明月珠

與鄒改三

人間多少黃金注，却笑何如白髮心。
閱盡世機今白髮，可能無意問黃金。

送友人謁太華山

青鸞白鶴儼仙壇，況是中秋月正圓。
無限清光照君意，只須朝禮不須言。

不寐

萬戶千門睡熟，昔獨將醒眼向伊。
誰脩然正似三更月照入空庭，誰得知。

峰頂月生林影動，山空悄聽犬驚林。
乾坤一點惺然意，并入閒窗聽者心。

已收羣籟夜溶溶，不寐貪聽松際風。
忽然聽入無聲去，清風吹我似吹松。

蟠桃海上幾年開，世上何人千歲來。
癡我亦知爲計左，種昔須種不凡材。

剔蠹芟繁濯月陰，手栽橙橘半成林。
侵衣霜露人休訝，秋實雖稀風味深。

閒居

高樹連林十里間，溪從林罅見青山。
艸堂讀罷無餘事，日與青山相對閒。

柴門初闢占湖襟，霜涸蟾明水正深。
水月自知滋味淡，祇緣味淡轉相尋。

謝虬峰年兄以江濱大宅爲會友之所賦

呈

山色青冥江水平，高歌盡日道心生。
西山一陣過江雨，吹入簾來分外清。

但借空參脫世氛，神仙八百此爲羣。
異岑拔宅

同君去飛到蓬萊，還屬君

洪崖茶二絕句呈大司寇李公

虎丘曾摘雨前枝，風味洪崖一樣奇。
有似富春江上水，絕無染色泛銀瓷。

葛翁去後誰知己，闇淡春雲幾百年。
此日靈芽競生色，鄴侯風味正相鮮。

題畫

昇兒作畫意趣甚超因各題其左方

江雲漠漠水泠泠，中有幽人坐艸亭。
萬樹豐容啼鳥寂，江天雲水意俱冥。

學易齋
卷之三
洗心自愛江水深
歎坐斜陽烟滿林
下界猶嫌未清淨
故飛寒玉濺冲襟

玄精涵蓄幾何年
儵忽相看混沌前
一點靈光難自秘
化成千古月珠圓

江平如海渺人寰
茅屋江邊三五間
海上風光吾孰記
依稀絕勝蓬萊山

歸來結屋類蓬壺
讀易焚香坐小趺
門外客來童子報
道裝應是邵堯夫

與謝山人

四壁黃金玉作臺
芙蓉千丈意中栽
只須種却何愁長
自有天邊雨露來

不動巍巍混太空
雲霞影裏寄高蹤
未妨樓閣空中住
任取人間吹八風

江邊夜夜海潮生
湧出紅輪天際明
拍手扶桑還共笑
古今多少暗中行

我昔持書下帝鄉
瓊瑤爲軸錦爲囊
書中有字不敢讀
嘿嘿清晨禮素香

六窻高啓紫庭門
中有黃金不動尊
雙童持節

學易齋 卷之二十一 四
不肯去分明招我朝天闈

金烏夜起夢初迴只此靈明足聖胎童子何嘗
出門去繆云五十三叅來

玉池終日醉天漿五色雲霞作道裝拂袖雲中
還自諗醒昔不似醉昔彊

山樓風雨有懷

爲問城南居士廬回風凍雨意何如玉蓮眼底
今千丈無計題將託素魚

遲友

山樓凍雨欲成冰半夜跣趺似老僧枯淡莫言
人不厭幾回期逝坐燒燈

示友

蝴蝶莊周妙化開到今人作夢中猜更將蝴蝶
圖爲畫此夢何緣得醒來

讀易

聲聲色色競精神何用尋芳泗水濱六六宮中
春自好人間只是少閒人

答友

山中深住歎何爲，報道經年不讀書。眠食於人本細事，幾人眠食得如如。升年一睡足，知音風雨柴門味。正深不似世人徒，睡眠惺然吾獨睡。吾心未論茶飯與珍羞，於味誰分正與不。不解反從知上看痴人，盡向味中求。萬壑深寒結重冰，春來化作水盈盈。欲知造化消融巧，只爲東風着手輕。

妙蓮峰

我出門來峰在林，入門峰亦到堂深。主人與峰無二相，共是乾坤清淨心。

一種乾坤清淨心，何緣老我得之深。峰前斷盡東西路，斜日寒雲鎖暮林。

冰壺擬結一菴休，學士題名在上頭。想是吾生了無住，艸菴蹤跡未堪畱。

予欲結一菴於峯頂張明成太史爲題冰

壺精舍四字書法清逸顧予菴未成

雜詩

使金容易鍊金難，百鍊誰教烈火寒。被髮救鄰

回亦禹若爲甘守一瓢簞

山深晝永暑猶涼萬樹交垂綠蔭長一體乾坤
平旦息不知人世有牛羊

持念如持影與風飛潛隱見亦何蹤能知念性
空無有處處飛騰處處龍

人從向進論精進我覺年來退有功退到心源
無盡處始知真進在潛龍

學易齋集卷之二十



